



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

**Parisiis, 1644**

VII. Si clerici impuberes sese inuicem percusserint, vel puberes ex iocosa leuitate, & magistri discipulos causa correctionis, non incidunt in Canonem datae sententiae.

**urn:nbn:de:hbz:466:1-15588**

ANNO  
CHRISTI  
1179.

auditu terribile, occidere non verentur. Quoniam igitur quanta sit præsumptio & impietas eorum, qui talia & tam atrocia & nefaria facinora committunt, nemo potest, qui recte sapit, ignorare: ad eos puniendos & castigandos, qui hoc instinctu diabolicæ fraudis committunt, spiritalem gladium debetis exercere, & vos ita volumus in eos ecclesiasticæ disciplinæ rigorem exercere, vt nil videamini omittere, quod aduersus hos ex iuris districtione fieri possit. Inde est quod fraternitati vestræ, &c. quatenus si qui se in tantam vesaniam & præsumptionem erexerint, quod hac vel alia occasione clericos occidant, vel occidere faciant, vel aliter violentas manus in eos iniecerint: tam malefactores ipsos, quam illos de quorum mandato id fuerit perpetratum, publice accensis candelis & pulsatis signis, aperte excommunicatos denuntietis, & faciatis sicut excommunicatos deuitari, donec Deo & sanctæ matri ecclesiæ satisfaciant, & cum literis vestris rei veritatem continentibus, ad sedem apostolicam accedant.

\* camp-  
nisCAP. VI. *Idem.*

Grauer oculos diuinæ maiestatis offendunt, qui religiosos viros indebitis fatigant molestiis, & locum suæ perturbant quietis. Sane a prædecessore nostro sanctæ memoriæ papa A. III. in Concilio Lateranensi statutum est, vt qui violentas manus in clericos vel monachos, Hospitalarios, Templarios, mittunt, seu in viros alterius religionis, excommunicationi subiaceant. Nos autem statutum prædecessoris nostri ratum & firmum tenere volentes, fraternitati vestræ, &c. quatenus si qui parochianorum vestrorum in fratres hospitalis Hierosolymitani manus violentas iniecerint, eos publice excommunicatos, appellatione remota, denuntietis, & ab omnibus faciatis cautius euitari, donec prædictis fratribus de illata iniuria congrue satisfaciant, & cum literis episcoporum suorum rei veritatem continentibus, apostolico conspectui se præsentent.

## CAP. VII.

*Idem* \* Exoniensi episcopo. Pars capituli, Sicut dignum.

Super eo quod a nobis consilium postulasti, vtrum si

Eccc iij



scholares sese inuicem percusserint, in plena vel minori aetate, clerici aut religiosi viri in claustris, secundum Canonem illum quo statutum est, ut illi qui in clericos manus violentas iniecerint, ad sedem apostolicam pro sua absolutione venire debeant: inquisitioni tuae taliter respondeamus, quod si clerici infra puberes annos sese ad inuicem, vel vnus alterum percusserit, non sunt ad sedem apostolicam mittendi, quia eos aetas excusauit: nec etiam clerici, si sint plenae aetatis, si non de odio, aut inuidia, vel indignatione, sed leuitate iocosa se inuicem percusserint: nec magistri, si clericum scholarem intuitu disciplinae vel correctionis percusserint, quia non potest in ipsis violenta manus iniectio notari. Ceterum si ex odio sese iidem scholares percusserint, pro sua absolutione debent ad sedem apostolicam venire.

Excusat  
aetas.

Iocosa le-  
uitas.  
Inuitus  
disciplinae.

CAP. VIII. *Idem eidem in eadem epistola.*

Monachi vero & canonici saeculares, quocumque modo sese in claustris percusserint, non sunt super hoc ad sedem apostolicam mittendi: sed secundum discretionem & prouidentiam abbatis sui disciplinae subdantur: & si abbatis discretio non sufficiat, ad eorum correctionem dioecesanus episcopus prouidentia erit adhibenda.

CAP. IX. *Idem eidem in eadem epistola.*

Si vero alicuius potentis ostiarius, sub praetextu officii sui malignatus, clericum laeserit, ab officio suo potest absolui, nisi forte eundem clericum grauiter vulnerauerit.

CAP. X.

Officialis pro iniectioe manuum in clericum non potest sine mandato Romani pontificis absolutionis beneficium promereri. Quia nulli laico tanta super clericum datur potestas, nisi forte turbam arcendo irruentem, non ex deliberatione, sed casu fortuito clericum laeserit. Si forte clericum vim sibi inferentem vi repellat vel laedat, non debet propter hoc ad sedem apostolicam transmitti: sed si in continenti vim vi repellat, cum vim vi repellere omnes leges & omnia iura permittant. Nec ille compellendus est ad sedem apostolicam venire, qui in clericum, cum vx-

Casus vio-  
lentiae re-  
pulsae.